

第二十五正五治在蘭武山上應星宿下管

第二十六白石山治在左極山上應張宿下管

第二十七鍾茂治在飯陽山上應真宿下管

第二十八具山治在元東山上應終宿下管

洞淵集卷之六

洞淵集卷之七

周天十一曜星君

日者太陽之精人君之象日中帝君仙官神吏萬眾皆修營儀奉日之道日為洞陽之宮

自然化生空青翠玉之林天官採食花實身生金光日之精炁化生金鳥棲其林朝出暘谷夕沒崦嵫一年一周天日宮太陽帝君上

管周天二十八宿星君天曹注祿壽之司常以三元萬靈天官皆詣日宮檢校世人罪福之目進呈

上帝謂之陽宮生籍日魂吐九芒之炁光瑩萬國日名鬱儀

月者太陰之精皇后大臣之象月中帝君仙官神吏萬眾皆修結璘奔月之道月為廣寒

洞陰之宮自然化生青華紫桂之林亦曰絳林枝葉紅蘭神仙採食華實壽同日月昇入

玉清魄精之炁化生玉元一月一周天月宮太陰帝君下管五嶽四瀆五湖四海十二溪

水府并鄴都羅山百司常以三元日冥官僚

佐皆詣月宮校定世人生死罪福之目呈進上帝謂之陰宮死籍月魄常泛十華之彩光瑩萬國月名結璘

東方木德星君木之精蒼帝之子光照三十萬里徑一百里十二年一周天真君戴星冠

躡朱履衣青霞壽鶴之衣執玉簡垂七寶劍白玉環珮下管人間山林草木龍蛇魚鼈水

狹風雷之事木之氣直行仁和司於有德南方火德炎域星君火之精赤帝之子執法

之星其精下降為風伯之神常以十月入太微受事光照八十萬里徑約一百里二年一周天星君戴星冠躡朱履衣朱霞鶴壽之衣

執玉簡垂七星金劍白玉環珮管人間火焔衆蟲鳳凰雜雉鳥鵠百勞群飛鳥雀之類大

德昭彰巡行天下西方金德星君金之精白帝之子主刀兵將軍肅殺之威其精下降為雨師之神光照七

十萬里徑一百里一年一周天星君戴星冠躡朱履衣皓鶴白霞之衣執玉簡懸七星寶

劍垂白玉環珮管人間金銀銅鐵玉石兔牛

003 1250 0 220

馬柱豕鼠蟲石人石馬霜雪之事

北方水德星君水之精黑帝之子水德為天心紫辰之星正對崑崙之頂處紫微之宮即元氣之主其精下降為先農之神主發生物光照五十萬里徑一百里一年一周天星君

戴星冠躡朱履衣黑霞鶴壽之衣執玉簡懸七星寶劍垂白玉環珮管人間水族蛟龍群魚雪電凝寒之事博太冠五行之首生萬物之根海濱江河宰酌之事

中央土德星君黃帝之子其精下降為靈星之神光照十二萬里徑五十里二十九年一周天星君戴星冠躡朱履衣黃霞鶴壽之衣執玉簡懸七星寶劍垂白玉環珮管人間兆庶形骸蟲蟻之類霧露虹蜺之屬土宿主信厚萬物之事

羅喉神首星君主九天之下一切諸惡星君戴星冠躡朱履衣純玄霞雲之帔執玉簡垂七星金劍帶白玉環珮逆行天道順之則昌逆之則禍
計都神尾星君主九天之下一切罪福多主

疾病困苦之災星君戴星冠躡朱履衣純玄瑞雲霞帔執玉簡垂七星金劍帶白玉環珮逆行天道不顯神光順之則吉逆之則凶

天一紫炁星君戴星冠躡朱履衣紫霞瑞雲之帔執玉簡垂七星寶劍帶白玉環珮長侍

紫微垣門降人間之百福添祿算之司

太一月孛星君主九天之下一切凶殺星君戴星冠躡朱履衣玄霞鶴壽之帔執玉簡帶七星寶劍垂白玉環珮逆行黑道順之則吉逆之則凶

右周天十一曜星君

北斗七元星君

北斗第一天樞貪狼天英星君上管室辰房心箕牛宿下管揚鄭兗徐等州分野管天下子生人身命祿算注世人求官覓職之事掌

北斗陽明廷生真炁太上之官貪狼星君主日披朱霞絳霄之帔戴七寶星冠貪狼即天之太尉圍闕九百里光照萬國

北斗第二天璇巨門天任星君上管亢昴井鬼張翼等宿下管臨荆楚周分野管天下丑

亥生人命祿注世人求仙學道之事掌此斗陰精度厄真炁中元之宮巨門星君主月披玄霞垂雲之帔戴七寶星冠巨門即天之上宰星圍闕五百里光照萬國主人間悟道修真之府

北斗第三天機祿存天柱星君上管巽胃參柳等宿下臨宋豫分野管天下寅戌生人命祿注世人求財莊宅之事掌此斗真君保命之炁真元之官祿存即天之司空星主火披朱霞瑞雲之帔戴七寶星冠星圍七百二十里光照萬國

北斗第四天權文曲天心星君上應牛危等宿下臨吳越分野管天下卯酉生人命祿注世人壽福身相之事掌此斗文明益算真炁絳幽之宮文曲星主木披青霞瑞雲之帔戴

七寶星冠文曲即天之遊擊星圍闕八百里照曜萬國

北斗第五天衝廉貞天倉星君上管玄尾女等宿下臨趙冀魏晉等分野管天下辰申生人命祿福命注世人婚姻妻妾之事掌此斗

丹元消災真炁納神之宮廉貞星君主土披黃霞瑞雲之帔戴七星寶冠廉貞即天之斗君星圍七百二十里光照萬國

斗斗第六閭陽武曲天輔星君上管房斗牛等宿下臨燕國分野管天下己未生人祿命

注世人興生業次財帛之事掌北斗北極散禍真炁紀明之官武曲主木披青霞瑞雲之帔戴七寶星冠武曲即天之太常星圍七百

里光照萬國
此斗第七搖光破軍天關星君上管虛軫角奎等宿下臨青齊衛并州等分野管天下午生人祿命注世人福德相貌妻妾奴婢之事掌北斗天關扶衰真炁關會之宮破軍星君主金披素霞之帔戴七寶星冠破軍即天之上宰星圍九百里光照萬國

洞淵集卷之七

洞淵集卷之八九同

和

沖妙先生李思聰集

周天二十八宿星君降靈

角宿天門星君上應太煥極瑤天照臨鄰國分野掌海外伽密國夜市國迦陵國并九小國下管人間將軍兵甲兩澤延生農田耕稼之司

亢宿天庭星君上應玄明恭慶天照臨鄰國分野掌海外西天竺國乾他國羅謝國并九小國下管人間瘟疫大風礪石百藥國師三公五老百官祿秩之司

氏宿天府星君上應觀明端靜天照臨鄰國分野掌海外迦業國彌羅國新頭國毗摩國并九小國下管人間后妃官府山林草木雨水淫泆之司

房宿天駟星君上應虛明堂曜天照臨宋國分野掌海外密尋國敦律國黑衣國并九小國下管人間后妃藏內寶器金玉管驚風駭雨負重擊駱之司
心宿天王星君上應竺落皇茄天照臨宋國

分野掌海外大食國獨足國并九小國下管人間帝王明堂兩澤工役伎藝百巧之司
尾宿天雞星君上應耀明宗飄天照臨燕國分野掌海外蜀賓國計羅國多鳥國并九小國下管人間祥雲瑞霧女人不和之司

箕宿天律星君上應玄明恭華天照臨燕國分野掌海外據國解蘇國并九小國下管人間斜風細雨奸邪詭佞發夷狝貉虜狄津梁水族之司

右東方七寶青龍之精
斗宿天府星君上應太極濛翳天照臨吳國分野掌海外吐火雁國穿鼻國西皇母國并九小國下管人間進士登科爵祿微風細雨斛斗升合秤尺之司

牛宿天機星君上應虛無越衡天照臨吳國分野掌海外北番黑山三大部落國并九小國下管人間雲霧霜雪牛羊六畜犧牲足蟲百獸南越百蠻之司
女宿天文星君上應上明七曜摩夷天照臨吳國分野掌海外豎髮國女國狗國并九小